



CIMELIA

O

287

kat.komp.






Biblioteka Jagiellońska



stdr0003661



Cim. 287





ANDREÆ
FRICII MO-
DREVI
LIBER
DE ECCLE-
SIA.

I

*

NTVENTI MIHI
et cum animo meo reuoluenti, quæ in ecclesia
IESV CHRISTI his temporibus accide-
runt: eaq; cum inicijs nascentis ecclesiæ diligentius
conferenti: permirum uideri solet quónam modo
factum sit, ut plurimi mores prisca sensim quidem,
sed tamen indies magis ac magis in præceptis, qua-
si prono amni, à puritate & sanctitate primæua
fluere cœperint & discedere. Etenim cum cogi-
to de religionis nostræ illis antesignanis, qui à
Christo delecti orbem terrarum ab idololatrijs re-
purgarunt, atq; semine uerbi dei seminarunt, ui-
deo illos numero paucissimos, bonorum possessi-

A

one

LIBER

one pauperimos, iniurijs infinitis maxime oportunos fuisse: Res tamen tantas gessisse, quantæ posse memoriam hominum maximæ possunt commemorari: doctrinam IESV CHRISTI in totum orbem sparserunt & diuulgarunt: inimicitias hostium, magistri et domini sui appetuerunt: pericula & mortes ipsas ultrò subierunt. Contra cum hominum nostræ & superioris ætatis, qui in loca illorum succedere, mores considero, diuersa omnia in eis & prorsus contraria animaduerto. cœtus eorum ubiq; frequentissimi: rerum multarum ditissimi: iniurijs uel minime uel modicè expositi. Et tamen in tot opportunitatibus paucissimi sunt qui docere populum uelint: puritatemq; doctrinæ ac ceremoniarum à Christo & Apostolis traditarum conseruare ac retinere. Itaq; & mores corruptos, & ritus deformatos, & disciplinam solutam uiderunt & adhuc uident secula nostra. Inter quæ & illa apostolorum tempora qui interiecti erant, ij quidem eiusmodi fuere ut quò quisq; temporibus apostolorum uicinior, hoc in munere apostolico fungendo diligentior: quò nostris, hoc segnior fuerit. Etenim si res antiquas ex literarum monumentis memoria repetamus multos inueniemus ordinis sacerdotalis uiros maximis uirtutibus præditos fuisse: fructusq; quam uberrimos ecclesiis

de Ecclesia.

ecclesijs tulisse: Quales fuisse Ambrosium, Augustinum, Hieronymum, Athanasium & innumeros alios constat: qui doctrina sua illustrarunt ecclesiam non secus quàm sol iste qui aspectu sentitur, illustrat orbem radijs suis. imperitos erudiebant: alienos à religione ad Christum adducebant: doctos confirmabant: impijs gladio uerbi Dei resistebant. neq; fuit illis quicq; antiquius quàm ea perpetuò agitare quibus maxime instructi essent ad omnia sui officij munera exequenda: quæ quidem in docendo, & sacramenta populis administrando maxime posita erant. Itaq; & ipsi memoriam nominis sui clarissimis monumentis immortalem effecerunt: & posteritas ex magnis illorum meritis in diuorum numero illos collocauit. Maiore in pretio tum in ecclesia Dei erat doctrina quàm diuitie: pluris aestimabatur uirtus quàm natalium splendor. Atq; utinam mos ille præclarus ad nostram hanc memoriam remansisset: non tot procelle doctrinæ, turbines ac tempestates morum in ecclesia Dei extarent. Sed cùm progredientibus ætatibus, uetus illa disciplina sensim, ut ferè præclara omnia minui cœpit, sit ut nostra hac exigua aut propemodum nulla sit. Quotus enim quisq; est qui hodie sacerdotio ambiendo opus appetat non opes? doctorem agere uelit non dominum.

A ñ. imo

LIBER

imò quotus quisq; est qui eam religionis scientiam
 afferat ad hunc ordinem, ut uel mediocriter pro-
 desse possit ecclesiae? Mitto mores multorum per-
 ditos. de cura cognoscendae doctrinae christianae
 mihi sermo est. omnes aut certè maxima pars sa-
 cerdotum, & eorum quidem in primis qui opimis
 sacerdotijs gaudent, omisis studijs religionis chri-
 stianae student rebus alienissimis. animus eorum est
 in patinis, abacis, ueste preciosa, equis, numerosa
 familia: optima temporis pars consumitur in lu-
 dis & uenationibus: ceterum placet otium atq;
 delitiae. ac nisi liturgia & preces horariae superes-
 sent, uix ulla ueteris sacerdotij uestigia appare-
 rent. Qui literis sese dediderunt, quiq; publice
 docent populum, ij nec honores sibi debitos con-
 sequuntur, nec auctoritatem: & certè in ecclesia
 tanquam in aliena Repub. uersantur. Paulus ille
 Tharsensis secundum Apostolos et Prophetas pri-
 orem doctoribus locum dat quàm gubernatoribus.
 Hodie uerò non tantum prae gubernatoribus sed
 etiam prae hominibus otiosis sed diuitijs & gene-
 re praestantibus longe post putantur doctores.
 Atq; cum eruditio & generi & fortunis in ec-
 clesia Dei posthaberi coepta esset, ipsiq; summi gu-
 bernatores clauum docendi nunquam tenere con-
 sueuissent, factum est ut turbulentissimis tempesta-
 tibus

de Ecclesia.

tibus coortis, inepti essent ad gubernacula tractanda, quæ mari tranquillo, nunquam tractare didicissent. Utinam autem uel uicarios haberent tanto muneri pares. Sed fit nescio quomodo ut nemo ad eam artem seriò animum adiungat, quam ab ijs negligi uideat qui eius nomine in principum dignationem peruenerunt. Sed quænam sunt illæ tempestates, quæ procellæ ecclesiam Christi quatièntes? Eas uerò facile unusquisque cernet qui hanc ecclesiarum nostri temporis faciem diligentius fuerit contemplatus. Tantæ enim sunt inter partes dissensiones, tanta certamina ut permulti boni uiri dubitent quid sequendum quid fugiendum sit. uident duces clarissimos sæpe armis & castris magis quàm uoluntatibus & studijs dissidentes. audiunt ab utrisque ecclesiæ sanctissimum nomen opponi: ut etiam si aliter sibi putent esse sentiendum, auctoritati tamen cedere cogantur. Iam mihi consideret quisque quas turbas in animis hominum efficiant tantæ dissensiones? nemo bonus sine animi dolore aspicere potest hanc fratrum à se inuicem discessionem: ita enim inter se distracti sunt quasi alium Deum colerent, alio baptismo initiarentur, aliam regni cœlestis expectarent hereditatem. utriq; utrosq; dignos putant in quos probra & maledicta conferant: quos æternis supplicijs deu-

A in ueant.

LIBER

ueant. Quid enim sibi uolunt certamina inter eos
suscepta? quid libri ab utrisq; conscripti, pleni di-
sputationum, debachationum, conuitorum? In
quibus hominibus est aliquid Christianæ charita-
tis ij non possunt hæc in Christi membris & fra-
tribus sine ingenti dolore uidere: Quos nulla
tangit cura illius, ij vident hæc omnia, et tanquam
in aliena calamitate uiuunt otiosi: neq; hoc eis
uenit in mentem, eiusmodi esse hanc tempesta-
tem quæ nulla ui corporis sedari possit: nisi le-
gitimis rationibus ex diuinis oraculis petitis fu-
erit auersa, horrescet indies magis, semperq;
foedas in animis hominum nubes glomerabit.

Vtinam uerò ij quos penes est summa potestas,
conuertant tandem suos conatus omnes ad eam
ipsam tempestatem sedandam & componendam.
Quorum etsi hanc curam præcipuam esse conue-
nit: Tamen quemq; etiam pro sua parte anniti de-
cet ut ne quid intermittat studij, operæ, sollicitudi-
nis ad eam auertendam. In qua persuatione nobis
uisum est ut quasdam uias indicaremus, quibus id
effici posse speraremus. Neq; uerò clam nos est,
tractationem hanc longissimam simulq; difficili-
mam esse: uerum quid impedit, ut si non omnia
quædam tamen, neq; uerò ea omnino protrita,
pertractentur à nobis qui ab hoc genere doctrinæ
studio

de Ecclesia.

studio & uoluntate minimè sinus abhorrentes &
Tameſi ſtudia hæc nec perpetua ſint, nec paria
tantæ rei. Puto autem hoc argumentum, tempori
huius eſſe accommodatum: cum concilio Tridentino
malè quidem ſoluto uel neſcio quomodo diſtracto,
in magnam ſpem, pollicitationibus magnorum ui-
rorum, ac in primis Iulij huius Terciij Papæ, qui
nunc eccleſiæ præeſt, erigimur fore, ut tandem con-
cilium nouum inſtituatur: illud orbi chriſtiano
optatiſſimum, ad quod ex omnibus nationibus uiri
lectiſſimi conueniant, ad religionis controuerſias
tollendas & extirpendas. Primum igitur de doc-
trina conciliandæ rationibus, ac controuerſiis ho-
rum temporum nonnullis diſputabo. Poſt agam de
moribus ac legibus quibuſdam eccleſiæ ritè guber-
nandæ neceſſarijs. Vtinam alij quoq; quorum id
magis intereſt, uel hæc nobiſcum recolant: uel ad
ſimilia & maiora cogitanda excitentur: atq; ad
res gerendas, quantum poſſint, animum appellant.

Ac illud quidem in aperto eſt concilio opus eſſe:
quo, ut dixi, controuerſiæ hac tempeſtate de reli-
gione excitatæ ſopiantur & extinguantur. Mul-
ti dolent, partibus hanc ſcribendi licentiam, qua
animi hominum de religione diſtracti ſint, permis-
ſam eſſe: propterea quòd & ueteres hoc tempore
errores ſuſcitati, non noui reperti eſſent: et ijdem

Concilio o-
pus eſſe ad
errores et
cōtrouer-
ſias tollē-
das.

errores

LIBER

errores adeò olim confutati ut magis fuerit è rep.
confutationes ueterum euolui quàm nouis eden-
dis operam dari . Verùm qui sic loquuntur queri
magis deberent de ijs qui hanc licentiam partium,
cum possent, cohibere neglexerunt. Amplius sunt
Triginta anni cùm dogmata ecclesiæ in dubium
ueriti cœperunt : ab eo tempore scribendi & re-
scribendi modus fuit nullus . Quis igitur finem
præstituere debuit istis rebus ? quis nisi consensus
et conspiratio orbis Christiani, ac ecclesia ritè con-
gregata, in qua suus esset cuiq; locus liberè dicen-
di quod è rep. uideretur . Eam porrò congregati-
onem nostrâ tempestate quis fieri curauit ? Ponti-
fices quidem summi iam inde à Leone Decimo sæ-
pe indixerunt, alius post alium, concilia : sed in-
dictiones illæ nunquam ad effectum perductæ sunt.
Mitto querere cuius culpa . Illud non dubito af-
firmare in ijs qui præsumunt rebus humanis culpam
herere omnem, quo minus concilium celebratum
sit quod dissensionibus finem imponeret . Nam de
concilio hoc Tridentino pudet tædētq; loqui : quod
post tot indictiones, prorogationes, translationes,
antiquationes, Paulo Tertio Pontifice inchoatum
erat : & cum in suis actionibus progredieretur,
scissum tandem est : nonnullis patrum qui præ-
erant Bononiam transferre, alijs eodem in loca,

quo

de Ecclesia.

eri & matrimonij inter se non repugnare. Etenim
quæ inter se repugnant ea nunq̃ uni attribui pos-
sunt. Ea enim illorum natura est ut uni simul nunq̃
conueniant. Cumq; ostensum sit, sacramenta, de
quibus agimus, uni conuenire posse, sequitur ut di-
camus naturas et essentias eorum consentaneas esse.
Neq; uerò me clam est quid et Augustinus & Hie-
ronymus scripserint de presbyteris coniugatis, eos
iam initiatos liberis procreandis uacare non posse.
Alioqui, inquit Hieronymus, si quis deprehensus
fuerit, non quasi uir tenebitur: sed quasi adulter
damnabitur. Verumenimvero non tantum theo-
remata doctorum uirorum considerata sunt: sed
quid etiam tulerit praxis & mores recepti. Mon-
strauimus sacris initiatos ad matrimonium perue-
nire posse & in orientali & in occidentali eccle-
sia. Quorsum uerò id esset, nisi fine matrimonij
uti possent? Est enim finis matrimonij non tantum
prolis procreatio: sed etiam ut uterq; coniugum
alterius intemperantiæ mutuis officijs medeatur.
Quod & à Paulo 1. cor. 7. affirmatur & 32. q. 2.
ostenditur. Sed & praxim ecclesiæ aliam fuisse à
theorica illa quorundam patrum traditione Niceni
concilij decreto comprobari potest. Quod recita-
tur 31. d. Nicena. Vbi narratur suasu Paphnutij Ni-
cenam synodum constituisse ne presbyteri uxore

LIBER

rum, quas ante consecrationem duxissent, concubitu arcerentur. Canone etiam sequenti, qui incipit Quoniam, eadem 31. d. sancitur non in perpetuum sed tempore oblationis à complexu suarum mulierum sacerdotes abstinere debere. Quamobrem Nicolaus papa ad Ratholdum episcopum Argentaratensem 33. q. 2. c. Latorem, scribens de presbytero matricida, usu plurimarum rerum ei interdictum: atq; adeò ne oblationes offerat (unde presbyterum fuisse constat hunc ipsum matricidam) nisi expletis multorum annorum curriculis, mandat: ueruntamen usu matrimonij ei non interdixit. Sic enim ad uerbum, A propria, inquit, ac legitima coniuge non separetur: ne in fornicationis uoragine corruiat: quod ne fiat optamus. Quid igitur impedit quo minus, ut prius, à causa ducto argumento, diximus, cui fas sit matrimonium contrahere, eidem liceat contracto uti: ita nunc uice uersa ab effectis colligamus, Si licet presbytero commodis matrimonij uti cur non liceat matrimonium contrahere? Non enim uerum est cui finis conceditur ei media ad finem ordinata negari oportere. Adhuc autem uersamur in ea orationis parte, qua sacerdotij naturam cum matrimonio coherere posse ostensuros nos polliciti sumus. Quam in re honestas per se considerata est, & utilitas.

Vtrius

de Ecclesia.

Vtriusq; rationem magnam habitam esse à concilijs & ueteribus pontificibus ostendimus: qui noluerunt ut matrimonij ac eius usus negatione aliquis per scortationem in uoraginem æternæ mortis caderet.

2

Quoniam igitur de natura sacerdotij dixi, nunc de adiunctis illi dicam: non quidem de omnibus: Sed de eo quod quasi è regione matrimonij sit positum. Id autem est uotum castæ uiuendi. Neq; uerò hoc absurdum cuiq; uideri debet, quòd uotum castitatis seiungamus ab essentia sacri ordinis: Nam et materia diuersa est illis subiecta, et unum sine alio subsistere iam ostendimus. Multa in utranq; partem à multis doctis uiris disputata sunt de uoti natura, ui, & efficacitate: quæ apud suos authores legi possunt. Illud satis est à nobis in presentia dici, pia uota quibus tanq; sponsionibus cum certa animi inductione factis Deo obligamur, necessariò persoluenda esse. Eiusmodi enim uotorum uiolatio iustam excusationem non habet. Quod ecclesiastes sic comprobat capite s. cùm uoueris deo uotum, ne differas soluere. Non enim deus stultis delectatur. Proinde quod uoueris exolue. melior namq; est qui non uouet, eo qui uouet nec soluit. Vota non eiusdem formæ esse multi uiri docti prodiderunt. Alia quæ solenniter & palàm fiunt, ut quæ uouentem in statum uitæ à priore di-

I

m

LIBER

uersum deducant. Talia esse quæ uouentur tum à
 professis religionem monasticam, tum ab asscriptis
 ordini sacro. Alia quæ statum uouentis non mu-
 tent: nec ulla solennitate adhibita suscipiantur: sed
 consilio priuato concipiuntur nuncupenturue. Hæc
 simplicia uocant illa solennia. Etsi autem discrimen
 hoc non sit improbandum: Tamen uoti utriusq; uis
 illa est ut qui se illo obligasset, illud reddere non
 negligat: id quod ex sententia ecclesiastæ ostensum
 est. Quamuis enim uoti simplicis uiolatores non
 coguntur ad illud repetendum: sed pœnitentia à
 sacerdote iniuncta crimen eluunt: solennis autem
 uoti fidem qui soluant, ij & pœnitentiam solenni-
 ter agere, et ad statum unde discesserunt redire iu-
 bentur: Tamen si res ipsa spectetur simplicis et so-
 lennis uoti apud Deum discrimen est nullum.
 Vtrunq; enim à uoluntate hominis proficiscitur,
 qua ita se homo deuouet Deo ut ius omne sui illi
 transcribat. Quid enim refert solenniter id facias
 an circa ullam solennitatem? cum quidem Deus in-
 spector sit cordium: solennitatesq; magis hominum
 causa qui testes sint promissorum tuorum adhiben-
 tur q̃ Dei: cui cogitationes tuæ sine ullis testibus
 sint perspectæ. Ideo Bonifatius octauus in Sexto
 de uoto & uoti redemptione inquit, solennitatem
 uoti esse per solam ecclesiæ constitutionem adin-
 uentam

de Ecclesia.

uentam. Diximus de uoto uniuersè, omne illud præstandum esse quod pium sit. Dicamus speciatim de uoto cœlibatus, quo homo sanctè consecrat se ad castitatem corporis seruandam. Hoc quia à Christo ipso commendatur: qui eunuchos ait esse non tantum natura aut opera hominum factos: sed qui se propter regnum cœlorum castrassent: non est quod nos plura uerba faciamus in eius commendationem. Cum igitur ferè receptum sit, ad ordines sacros neminem, in occidentalibus ecclesijs, aspirare posse, quin simul uoueat corporis castitatem hæc autem à matrimonio implicatis seruari non possit: omnino sacris iniciatis matrimonium iniunctum minime licet. Idq; non ui ordinis ut prius demonstrauimus: sed ui uoti sacris ordinibus adiunctum. Pugnant itaq; iam matrimonium cum sacerdotio non essentijs & naturis suis: quemadmodum Patria cum uero dei cultu pugnat: sed propter adiunctum sacerdotio uotum castitatis. Quod si dimineretur iam non pugnarent: quemadmodum in cæteri ecclesia sacerdotum & prophetarum ordo minime in matrimonio aduersus erat. Consequens est ut disputemus num qua ratio inueniri possit, ut ei qui sacro ordini se cupiat ascribi castitatem uouere necesse non sit. Atq; hic optandum esset ut ne uis uoto temerè, neue coactus se obstringeret. Cum

3
I in enim

LIBER

enim actionum humanarum cause sint iudicium & uoluntas, qui uel inuitus uel iudicio parum circumspetto uouet aliquid, temeritatis potius aut stultitiæ accusandus est quàm uoti religione commendandus. Ideo & puerorum uota ob iudicij illius ætatis infirmitatem, nullius momenti esse putantur: & si quis ab extrinseco impulsore coactus uoueat aliquid, uix ab aliquo iudice cogi potest ad uotum exequendum. Iam quid dicamus de impulsoribus qui intra homines sunt, & in mentibus eorum uersantur? Hominum, inquam, qui non quod uouent id expetant: sed quiddam aliud longè diuersum: cuius causa tandem castitatem, animo minime suo, uerere non dubitent. Et quoniam sententiam quæ in conspectu totius ecclesiæ uideor mihi dicere, dicam apertè et candidè omnia, ut decet tali in loco, tantisq; de rebus. Qui hodie uotis implicantur, omnes, paucissimis exceptis, beneficijs sacerdotum, & ambitione ad uouendum alliciuntur. Sunt enim hæc maxima sacerdotiorum authoramenta: sin quibus uix quisq; adduci posset ad uouendum. Quæ igitur honores & ampla sacerdotum sunt, hi cum in luxum rerum ferè omnino occupati sint, an possunt castum præstare coelibatum? Qui item uel ex aulæ ministerijs, uel ex quolibet hominum genere commodorum causa inicianitur, an constanter

col

de Ecclesia.

colunt cœlibatum? Vita quidem co-
dotum testatur q̄ præsent quod uo-
runt: præsertim cum infinitus eorum num-
rente & integra etate, quidam etiam tantum
ab incunabulis in collegia sacerdotum peruene-
runt. Paulus in uiduarum cœtum quæ ministrent ec-
clesijs non uult minorem annis Sexaginta allegi:
iuniores reijciendas censet: Eas enim ad nubendum
ac liberos gignendos magis aptas esse quàm ad ec-
clesiæ ministeria obeunda. Hodie ex iuuenibus sunt
presbyteri, hoc est seniores. Tam igitur præstant
cœlibatum q̄ sunt seniores. Ipsi antistites ecclesia-
rum sciunt, & archidiaconi nouerunt, & uulgo
comptum est quàm turpiter prostituatur cœliba-
tus sacerdotum. Quid ita? Quia ab hominibus
parum ratione ualentibus, parumq; spontis sue uo-
luntatis: qui partim non intelligant quid uires sue
possint, quid uel recusent: partim habendi ac
possidendi nimio amore urgantur, furijsq; ambi-
tionis impellantur ad ea uouenda quæ nec præsta-
re didicerunt: Nec præstanda esse unquam in ani-
mum induxerunt. Quid igitur uolunt præfati ec-
clesiarum, ut quos malis auibus inauguratos esse
non ignorant, eos in hoc cursu uotorum perpetuo
retinere satagent? Non fert hoc rerum natura, ut
qui malè coëpti sunt, bene perficiantur: &
cum

LIBER

4

si institutæ erratum sit, non multa inde
peccata. Remedia igitur aduersus
in querenda sunt, de quibus nos cogit iam
cursus ipse orationis. Votum cœlibatus ui-
olatur omni concubitu uenereo. Qui igitur se illo
obstrinxit, concubitum omnem fugiat necesse est.
Hoc si præstari nequit, certè aut uoto obstringendi
non sunt qui initiari debent: aut si illo obstringendi
sunt, tales sacro ordini ascribantur de quibus spes
sit maxima fore ut cœlibatum colant pie & inuiol-
latè, quod & ex uita antea acta colligendum est, &
ex ætatis maturitate: nimirum in quam suspitio non
conueniat uitæ turpiter degendæ, contrà atq; hodie
fieri iam ostendimus: cùm in hunc ordinem ueni-
unt permulti ætate maximè lubrica & m- uiti-
is obnoxia: qui sacerdotiorum redditibus al- si ni-
hil pensi habent quid promittant, ac ne tam-
cœlibatum sed & quiduis uouere audeant ut
moditatibus & beneficijs ecclesiarum potiãtur.

5

Ecclesia =
stes 5.

Quamobrem si tales in presbyterorum ordinem
sunt recipiendi, ratio ipsa indicat uinculis eiusmodi
constringendos non esse: quæ tandem sunt ab illis
rumpenda. Displicet enim Deo stulta promissio,
inquit ecclesiastes: meliusq; est non uouere q̃, quod
præstiturus non sis, promittere. De his igitur stul-
tis promissionibus deinceps agamus. Concl-
omnis

